



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱԴԱՍՏՐԻ ԿՈՄԻՏԵ  
Ղ Ե Կ Ա Վ Ա Ր

ք. Երևան

«04» հունվարի 2023 թ.

Հ Ր Ա Մ Ա Ն N 1- Ա

ՀՀ ՏԱՐԱԾՔՈՒՄ ԳՆԱՀԱՏՄԱՆ ԳՈՐԾՈՒՆԵՈՒԹՅԱՆ ՄԱՍՆԱԳԻՏԱԿԱՆ ՈՐԱԿԱՎՈՐՄԱՆ ՔՆՆՈՒԹՅԱՆ 2022 ԹՎԱԿԱՆԻ ԴԵԿՏԵՄԲԵՐԻ 1-Ի ՀԱՅՏԱՏՈՒ՝ ՄԻՔԱՅԵԼ ԿԱՐԵՆԻ ՍԱՐԳԻՍՋԱՆՅԱՆԻ ՈՐԱԿԱՎՈՐՄԱՆ ՍՏՈՒԳՄԱՆ ԱՐԴՅՈՒՆՔԸ ՓՈՓՈԽԵԼՈՒ ԵՎ ԳՆԱՀԱՏՄԱՆ ԳՈՐԾՈՒՆԵՈՒԹՅԱՆ ՈՐԱԿԱՎՈՐՄԱՆ ՎԿԱՅԱԿԱՆԻ ՏՐԱՄԱԴՐՈՒՄԸ ՄԵՐԺԵԼՈՒ ՄԱՍԻՆ

Ուսումնասիրելով 2022 թվականի դեկտեմբերի 1-ին կայացած ՀՀ տարածքում գնահատման գործունեության մասնագիտական որակավորման քննության (այսուհետ՝ Որակավորում) ընթացքում առաջադրված հարցաթերթում առկա սխալների հիմքով հայտատու Միքայել Կարենի Սարգիսջանյանի կողմից 2022 թվականի դեկտեմբերի 7-ին ներկայացված դիմում-բողոքը և բողոքի հիման վրա Կադաստրի կոմիտեի ղեկավարի 2022 թվականի դեկտեմբերի 29-ի N 6-Լ կարգադրությամբ ստեղծված աշխատանքային խմբի 2022 թվականի դեկտեմբերի 29-ի N 1 արձանագրությամբ տրված եզրկացությունը՝

Պ Ա Ր Զ Ե Ց Ի

ՀՀ կառավարության 2022 թվականի հուլիսի 7-ի N 1044-Ն որոշման հավելվածով հաստատված «Գնահատման որակավորման քննությունների անցկացման կարգ»-ի (այսուհետ՝ Կարգ) 43-րդ կետի պահանջների համաձայն՝ Որակավորման քննության արդյունքները հայտատուները կարող են գրավոր բողոքարկել հանձնաժողովին՝ առաջադրանքի որևէ հարցադրման կամ դրա պատասխանի ճշտության մասով, որակավորման ավարտից հետո մեկ ժամվա ընթացքում: Բողոքի հիման վրա հանձնաժողովն արձանագրային որոշմամբ մերժում է բողոքը կամ բավարարում՝ սույն կարգի 36-րդ կետում նշված միավորները (առնվազն 120) հավաքելու դեպքում հայտատուին համարելով որակավորման քննությունը հաղթահարած:

Միաժամանակ Կարգի 47-րդ կետի պահանջների համաձայն բողոքարկման արդյունքում կոմիտեի ղեկավարը, աշխատանքային խմբի եզրակացության հիման վրա, ընդունում է հետևյալ որոշումներից մեկը՝

- 1) հայտատուի որակավորման վերաբերյալ հանձնաժողովի հրապարակած արդյունքն անփոփոխ թողնելու մասին.
- 2) հայտատուի որակավորման վերաբերյալ հանձնաժողովի հրապարակած արդյունքը փոփոխելու վերաբերյալ.



3) բողոքի հիման վրա հարուցված վարչական վարույթի ժամկետը «Վարչարարության հիմունքների և վարչական վարույթի մասին» օրենքով սահմանված ժամկետներով երկարաձգելու մասին:

Ըստ 2022 թվականի դեկտեմբերի 29-ի N 1 արձանագրության հայտատու Միքայել Կարենի Սարգիսջանյանը 2022 թվականի դեկտեմբերի 1-ի որակավորման քննության արդյունքները հրապարակվելուց հետո բողոքարկել է իր կողմից լրացված հարցաշարի պատասխանները:

Աշխատանքային խմբի ուսումնասիրությամբ հայտատուին առաջադրված հարցաշարի 59-րդ հարցի համար ավելացվեց 2 միավոր (հայտատուի հավաքած միավորն է՝ 117), քանի որ խնդրի ձևակերպումը սխալ էր, որի լուծման արդյունքում ստացված անշարժ գույքի ընդհանուր արժեքն ավելի փոքր էր ստացվում, քան խնդրի պահանջում նշված շենքի արժեքն է: Աշխատանքային խումբը անդրադառնալով 69-րդ հարցին պարզեց, որ ներկայացված տվյալները բավարար են խնդրի լուծման համար և համապատասխանում են ՀՀ կառավարության 2022 թվականի օգոստոսի 27-ի N 1355-Ն որոշմամբ հաստատված N 1 հավելվածի 35-րդ և 36-րդ կետերով սահմանված դրույթներին:

Հարցաթերթի 18-րդ հարցին առաջադրված 4 հավանական պատասխաններից ճիշտ պատասխանն է՝ «գնահատման համար օգտագործված փաստաթղթերի ցանկը», իսկ հայտատուի կողմից նշված պատասխանը՝ «վավագույն կամ առավել արդյունավետ օգտագործման վերլուծությունը» համարվում է սխալ պատասխան, քանի որ ՀՀ կառավարության 2022 թվականի օգոստոսի 27-ի N 1355-Ն որոշմամբ հաստատված N 1 հավելվածի 46-րդ կետի 14-րդ ենթակետի համաձայն՝ գնահատման հաշվետվությունը պետք է պարտադիր պարունակի՝ «լավագույն և ստավել արդյունավետ օգտագործման վերլուծությունը»:

Աշխատանքային խմբի ուսումնասիրության արդյունքում հայտատուի հավաքած 117 միավորին ավելացվեց ևս 2 միավոր և եզրակացությամբ հայտատուի որակավորման վերաբերյալ հանձնաժողովի հրապարակած արդյունքը՝ 117 միավորը փոփոխվեց դառնալով 119, որը սակայն բավարար չէ գնահատողի որակավորման վկայական տրամադրելու համար, քանի որ Կարգի 36-րդ կետի համաձայն՝ հայտատուն համարվում է որակավորումն անցած որակավորման քննության առաջադրանքից առնվազն 120 միավոր ստանալու դեպքում:

Ղեկավարվելով ՀՀ կառավարության 2022 թվականի հուլիսի 7-ի N 1044-Ն որոշման հավելվածով հաստատված «Գնահատման որակավորման քննությունների անցկացման կարգ»-ի 47-րդ կետի 2-րդ ենթակետի պահանջներով և հիմք ընդունելով Կարգի 36-րդ կետի պահանջները, ինչպես նաև Կադաստրի կոմիտեի ղեկավարի 2022 թվականի դեկտեմբերի 29-ի N 6-Լ կարգադրությամբ ստեղծված աշխատանքային խմբի 2022 թվականի դեկտեմբերի 29-ի N 1 արձանագրությամբ տրված եզրակացությունը՝

ՀՐԱՄԱՅՈՒՄ ԵՄ՝



Կադաստրի  
կոմիտե

Երևան 0023, Արշակունյաց պողոտա 7, հեռՁ (+ 374 60) 47-41-10, էլժ փոստ՝ info@cadastre.am, կայք՝  
www.cadastre.am

1. ՀՀ տարածքում գնահատման գործունեության մասնագիտական որակավորման 2022 թվականի դեկտեմբերի 1-ի քննության հայտատու Միքայել Կարենի Սարգիսջանյանի որակավորման ստուգման արդյունքները փոփոխել (միավորների քանակը՝ 119-ը):

2. Մերժել գնահատման գործունեության որակավորման վկայականի տրամադրումը:

3. Սույն հրամանը կարող է բողոքարկվել դատական կարգով:

04.01.2023

X 

ՍՈՒՐԵՆ ԹՈՎՄԱՍՅԱՆ

Սուրեն Թովմասյան Signed by: TOVMASYAN SUREN 1201860393